

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 13 October, 2014 (A)

Cabaran besar menanti CEO baharu MAS

» Calon dipilih Khazanah mesti ada wibawa, disiplin atasi masalah utama



RITA BENOY
BUSHON

Khazanah berpegang kepada janjinya pada 29 Ogos lalu untuk meneruskan pencarian global bagi Ketua Pegawai Eksekutif (CEO) Penerbangan Malaysia (MAS) yang baharu daripada kalangan warga Malaysia ataupun warga asing untuk menerajui syarikat penerbangan nasional itu.

Siapapun calon yang akhirnya dilantik, CEO baharu terbabit mesti mempunyai kewibawaan, personaliti dan disiplin untuk menangani masalah utama MAS, antaranya tenaga kerja yang besar, kontrak yang perlu ditemui tambahan kepada cabaran global yang sengit.

Apapun keputusan yang diambil, beliau perlu mengambil akauntabiliti ke atas kejayaan atau kegagalan keputusan berkenaan.

Berita mengenai penggabungan RHB Capital (RHB Cap), CIMB dan Malaysia Building Society Bhd (MBSB) akhirnya diumumkan di Bursa Malaysia. Gabungan ini akan membabitkan CIMB Group iaitu kumpulan perbankan kedua terbesar di Malaysia melupuskan semua aset dan liabilitinya kepada RHB Capital melalui pertukaran saham pada nisbah pertukaran sebanyak satu saham RHB Capital bagi setiap 1.38 saham CIMB Group.

Ini berdasarkan harga penanda aras sebanyak RM7.27 bagi satu saham CIMB Group dan RM10.03 bagi satu saham RHB Capital, mewakili nisbah nilai harga buku masing-masing sebanyak 1.7 kali dan 1.44 kali bagi CIMB Group dan

RHB Capital.

Penilaian itu berdasarkan nilai buku CIMB Group dan RHB Capital, masing-masing sebanyak RM4.28 dan RM6.97 pada 30 Jun 2014.

Penggabungan ini telah distruktur dengan matlamat akhir menghasilkan pembentukan dua entiti berasingan bagi entiti perbankan Islam dan bank konvensional.

Cadangan itu telah distruktur dengan mengambil kira kelulusan yang diperlukan daripada pemegang saham RHB Capital, yang mana cuma 50 + 1 peratus diperlukan untuk meluluskan cadangan berkenaan.

Oleh itu, jika Kumpulan Wang Simpanan Pekerja (KWSP) tidak dibenarkan mengundi oleh Bursa Malaysia, masih terdapat pem-

gangan minoriti lain yang mencukupi untuk meluluskan cadangan itu, jika penilaian yang ditawarkan adalah menarik dan wajar.

Pada ketika ini penilaian menyeluruh mengenai cadangan penggabungan ini belum dilakukan kerana butiran lanjut diperlukan mengenai asas harga yang ditawarkan dan nisbah pertukaran saham, namun kami lihat terdapat premium ke atas harga pasaran saham bagi ketiga-tiga bank terbabit yang positif.

Memandangkan cadangan itu akan dilaksanakan menerusi pertukaran saham dan bukan pertimbangan tunai, kadar pertukaran bagi kedua-dua entiti dan bukannya hanya satu daripada entiti perlu dilakukan.

Akhir sekali, komen kami mengenai Bajet 2015 ialah kerajaan mengekalkan komitmennya untuk melaksanakan Cukai Barang dan Perkhidmatan (GST). Ini langkah positif, manakala majoriti barang (56 peratus) dalam kumpulan Indeks Harga Pengguna akan dilindungi juga berita positif bagi rakyat.

Penjualan petrol RON95 dan diesel juga dikecualikan daripada GST. Satu mekanisme baharu sub-

sidi bahan api juga telah diumumkan, meskipun maklumat mengenai tarikh pelaksanaan dan butiran lanjut mengenai mekanisme ini belum diberikan.

Kerajaan juga mengumumkan hasrat untuk meningkatkan komponen gaji dalam Keluaran Dalam Negara Kasar daripada 34 peratus pada masa ini kepada 40 peratus menjelang tahun 2020 – namun ini masih lebih rendah daripada nisbah 50 peratus di negara maju lain seperti di Singapura.

Kementerian Pendidikan turut menerima sebahagian besar perturutan bajet iaitu 20 peratus daripada keseluruhan Bajet 2015 (atau RM56 bilion). Kami berharap dana pendidikan yang besar ini akan menghasilkan pendidikan berkualiti.

Selaras dengan pelaksanaan GST, cukai pendapatan individu dan syarikat akan dikurangkan antara satu peratus hingga tiga peratus. Ini adalah berita positif dan akan menjadikan Malaysia lebih kompetitif.

Penulis
ialah Ketua Eksekutif Badan Pengawas Pemegang Saham Minoriti (MSWG)

FAKTA NOMBOR

RM56 billion

dana yang diterima Kementerian Pendidikan